

類中風

大率因氣虛血虛有痰或挾火與濕

張三錫曰病人昏憤四肢不遂舉世皆以中風名之殊不知類中者十居八九今蒐集諸名家古今切用要法爲詮蹄焉

痰涎壅盛喉中作聲卒然暈倒脉微而數或左關弦急右寸關洪滑而急不寒不熱面赤直視類中風也悉屬痰火○有暴怒氣實人忽然如此屬氣厥當從氣治肥人卒中屬氣虛有痰參

芪對生

效

瘦人

屬陰虛火盛六味地黃湯口禁

不能進藥以生半夏爲末吹鼻中或以通關散

吹喉及鼻取嚏有嚏可治無則不可治更須急

掐人中稍甦隨証處治○脉沉滑因于氣者烏

藥順氣加減○脉弱氣虛八味順氣俱加竹瀝

薑汁○按竹瀝乃陰虛有大熱者僊品中年痰

火捨此必不成功特爲拈出能食而氣稍實者

荆瀝玆○脉洪大或數面赤目赤口乾燥屬火

多導痰湯加岑連稅栢薄荷花粉竹瀝薑汁須

治痰理氣爲先補養次之。○實者導痰湯加荆
瀝。○痰涎壅盛口眼喎斜不能言語皆用此法
輕而省者用瓜蒂散或稀涎散重而口噤用藜
蘆少許加麝灌鼻中吐之惟實者宜虛人年高
忌之用蝦汁吐邪出亦妙卒然昏憤口眼喎斜
痰涎上湧咽喉有聲六脉沉伏或虛大乃真氣
虛而風乘之三生飲加人參一兩煎服妙。○按
三生飲乃行經治寒痰之藥有斬關奪門之功
必加人參兩許以駕馭之扶正驅邪否則不能

成功○牙緊不能進藥霜梅擦牙自開○脉弱或虛大無力元氣素弱卒然暈倒濃煎人參湯加竹瀝薑汁○有元氣素弱過于勞役或傷于嗜慾而卒然厥仆類中風者手必撒口必開非大劑參芪用至斤許安能回元氣于無何有之鄉哉若不仆但舌強語澁口眼喎斜肢體不遂者作中風治必殆以六君子加諸汁治之○肥人多濕痰少加製附子行經

潔古云手足不遂中腑也初起脉浮數作寒熱

或有汗或無汗是爲表証有痰鬱火于四肢不能運行而然者雖非外邪亦當汗解二陳羌獨蒼朮防風在上加薄荷威靈僊下加防已牛膝或佐以芎歸一二服審氣血治此與痛風門并焉○濕痰腫痛黑虎丹最妙○又曰耳聾目瞶唇緩失音中藏也必兼舌乾便秘卽是裏証脉實滑而實者方可用三化湯牛黃通膈湯以疎之

東垣曰半身不遂大率多痰在左屬瘀血與血

少四物桃仁紅花在右屬氣虛與痰宜四君子
俱加二陳竹瀝薑汁○李時珍曰氣虛則痰入
于右而爲右癱○血虛則痰入于左而爲左癱
乃至精至當之論三錫曰半身不遂古稱偏枯
猶老樹之津脉不能遍達而枯廢其半也人之
腎主五液所以榮養百骸中年腎水虛乏榮衛
失常痰涎阻滯經絡火邪燔灼骨筋故手足不
遂或偏于左或偏于右而不爲我用也以左右
分氣血固不可易猶富觀人肥瘦叅以脉症然

無差忒。如肥白人，右寸關弦滑，或沉緩軟弱，肢
冷者，方可作氣虛治。○黑瘦人，兩手俱數疾，左
爲甚，或虛大無力，肢熱者，方可作血虛治。氣血
是本，痰火是標。○左右通治方，用黃芪爲君，人
參歸芍爲臣，防風桂枝鉤藤爲佐，荆竹瀝薑汁
萆葛梨乳汁爲使，捨此而雜用烏附羌獨，是促
其死爾。○聲如鼾睡，屬氣虛，獨參湯。加竹瀝薑
汁。○痰多火盛，口眼喎斜，手足躄攣，言語蹇澀，
晨昏痰壅，間服滾痰丸，或聖濟方保命金丹，妙。

○稍健人手足不遂用五枝湯浴或蒸法皆妙
酒客膏梁家四肢痺而不遂脉滑實有力邪甚
者非尋常湯劑所可治必用大辛大散如活絡
丹大烏藥順氣散換骨丹續命丹四生丸黑虎
丹等皆內有烏頭地龍乳沒麻黃蝎蛇等散走
藥所以祛邪開結是病已深重須毒以攻之又
不可拘于腦麝引風入骨如油入麪之說要在
用之合宜爾

遺尿

遺尿者屬氣虛多以參耆補之少加益智子頻
啜妙若卒中有此兼諸惡症者爲腎絕不治
若已醒日久不時遺尿者猪羊尿胞煮食伴青
塩妙原湯煎大劑參芪术草歸芍續斷加升麻
提之

桑枝性平不寒不熱能祛風散熱皮膚燥痒四
肢麻痺清肺止嗽聰耳目用桑枝一升炒香水
煎服無時

千金方半身不遂蚕沙兩石分作三袋每袋可

七十蒸熱一袋着患處如冷再換一袋依前法
數數換易

口禁

初中時口禁不知人事藥不得下用皂角末取
嚏再以霜梅擦牙卽開或用南星研末加白龍
腦指大牙每用一字蘇合香丸擦牙亦可○或
鬱金梨蘆末水調搐鼻○肥人以黃芪防風各
十斤煎湯薰○一法用甘草比中指截五截于
油中浸炭火上炙候油入甘草以物幹開牙關

令咬定甘草可如人行四五里時再換一截後
灌藥

丹溪曰凡類中風症悉以二陳湯加竹瀝薑汁
爲主○風痰盛喉中如拽鋸者加南星枳殼皂
角瓜蒌仁○血虛加四物用生地有瘀血加桃
仁紅花○氣虛對四君黃芪自汗倍芪少用茯
苓半夏或少佐以附子○頭目不清或頭痛如
破加川芎白芷荆芥穗細辛蔓荊○頂痛去川
芎加藁木或加酒岑○如無汗身體痛脉浮緩

有力或浮緊或浮弦是火邪鬱于表本方加羌活防風川芎白芷蒼朮秦艽之類甚者小續命倍麻黃須審寒暄○如大便秘結四物三化微利之三五日一行可也輕則滋腸五仁丸佳心血虧欠心神恍惚加黃連遠志石菖蒲○或心動搖悸更加茯神酸棗側柏葉竹葉或補心丹佳○凡風症小便不利不可利之熱退自解也○肥人中風口眼喎邪手足麻不分左右皆屬痰火用貝母薑仁南星半夏陳皮二朮岑連黃

栢菴活荆芥威靈僊桂枝甘草花粉因濕者加
附子二三分竹瀝薑汁入酒一二匙行經行火
○瘦人中風口喎等証悉屬陰虛火盛四物三
補知母牛膝入竹瀝薑汁有痰加痰藥○左癱
者岑連黃栢俱酒製防風各半兩甘草半兩南
星一兩附子製三片丸彈子大酒化下○肥人
憂思氣鬱右手癱口渴補中益氣加痰藥仍佐
竹瀝薑汁○中風口眼喎邪語言不正口角流
涎半身不遂或全體不能舉因元氣虛弱兼酒

色之過更挾外邪用四君四物爲君羌活荆芥
薄荷葛根白芍爲佐黃芩天麻細辛皂角爲使
甚者加麻黃仍加竹瀝薑汁外以艾灸治風穴
道取微汗而愈○因寒而中者薑附湯隨病加
減手足不仁加防風挾濕加白朮筋脉牽急加
木瓜肢節痛不可當加薄桂一錢薑棗煎服

古方愈風湯四白丹藥多辛散恐非類中所宜
半身不遂病久補氣血化痰藥外更常服稀煮

丸佳

口眼喎邪

悉屬風熱、血脈受病也、手足陽明之筋、絡于口、
會太陽之筋、絡于目、寒則筋急而僻、熱則筋緩、
故左寒、則逼熱于右、右中寒、則逼熱于左、寒者
急而熱者緩、急者皮膚頑痺、榮衛凝滯、治法急
者緩之、緩者急之、○此症少年平時亦有不獨
中風歷診其人、多是陰虛火盛、亦有痰生熱者、
往往用滋陰涼血養血藥、及滾痰搜風六味地
黃、加坎離等丸、調理殊効、

詳見口門

一法黃芪二錢人參歸芍各一錢甘草桂枝各五分升麻葛根秦艽各一錢白芷防風蘇木紅花酒黃柏各五分水酒各半煎稍熱服初起有表症加連翹葱三莖取微汗○一膏梁貴介酒色過度口喎服搜風化痰藥不應用八味丸料煎服三服卽正乃陰虛之驗也六味滋陰桂附行經妙不可言

戴氏曰中而口眼喎斜者先燒皂角烟薰之以逐外邪次燒乳香薰之以順血脉

改容膏傳 口喎絕妙

蓖麻子一兩

真冰片三分

共搗膏左喎傳右右喎傳左寒月加乾薑附
子各一錢或以蟻螂冰片傳之或以鱗血冰
片傳之俱妙

言語蹇澁

痰火壅塞上竅氣血虛不能上榮則舌機不轉
宜尋痰尋火兼補養之亦有真氣虛極不能言
右寸弦滑無力宜大補之獨參湯加竹瀝能食